

## СССР-н Деед Советд сунъгългънд нерăддж

СССР-н Деед Советд сунъгългънд нерăддж дѳрлдăнд орлицджах заводмуд болн фабрикс, шахтс болн рудникс, тѳмр хаалгъин узелс болн нефтин промыслмуд орн-нутгар улм-улмар ѳсăд йовна. Кѳдлмшчнр, мастермуд, инженермуд болн техникуд шин социалистическ даалгъврмудан ѳргмджтăгъар кўцăдж йовцхана.

Петровск-Забайкальск балгъсна кўч-кѳлсчнр болх сунъгъвриг ўзмджтăгъар тосдж бăянă. Эврăннь чидлăн сăн гидгър тоолад, эн балгъсна металлургическ заводин коллектив продуки гаргългъан зѳвър икдўлх болдж шиидв: зурагъасн давулдж 500 тонн болд, 600 тонн прокат белдх болцхав. Металлургмуд ўгăн ик батар бърджанă. Эдн январь сард зурагъасн даву 200 тонн болд болн 400 тонн прокат ѳгв.

Ик гидг ѳргнър дѳрлдăг делгрўлдж сунъгъвриг ўзмджтăгъар тосхар Печорск магистралин тѳмр хаалгъин кѳдлăчнр шунджацхана. Эн тѳмр

хаалгъин нўўрт йовх Кулойск отделень цагасн урд аца зѳѳлгънă болн ачлгъна джилă зурагъан кўцăсн деерăн паровозмуд заллгънд нўўрт йовх дамшлтс болн рационализац кѳдлмшт орцулдж, тўлă ѳрвлăд тер тоотари тавн сай арслнъ ѳрвлх болцхав. Сунъгъврин ѳдрт белг гидж Кулойск депон паровозникўд кўнд ачлгъта минъгън поезд йовулад, зурагъан давулдж минъгъад тонн модна материалмуд, нўўрс, нефть болн нань чиги олн-ăмтнă эдл-ахун аца зѳѳх даалгъвр авб. Авсн даалгъвран эдн кўцăджанă.

СССР-н Деед Советд сунъгългънд нерăддж Сталинск алюминă заводин кѳдлăчнр. йир хурдар кермс ачдж, буулгъдг Новороссийск тенъгсин гўўлгăнă портин коллектив, Удмуртин Каракульск леспромхозин кѳдлмшчнр, „Севкавказэнерго“ электростанцин тосхачнр болн монтажникуд, Мурманск арктическ пароходствин кѳсг кермесин экипажс болн нань чиги коллективс йир шундж бăяцханă.